



Pou Piblikasyon Imedya: 10/03/2022

GOUVÈNÈ KATHY HOCHUL

GOUVÈNÈ HOCHUL ANONSE INISYATIV OPÒTINITE SEMANS BIWO JESYON KANABIS LA

Premye Inisyativ nan peyi a pozisyone kiltivatè ak moun New York ki te gen enfraksyon anvan ki gen rapò ak kanabis yo pou konpoze chèn apwovizyonman pou izaj adilt

Inisyativ la ke Konsèy Kontwòl Kanabis la favorize ap prezante règlemantasyon yo pou kòmantè piblik pou dispansè pou itilizasyon adilt inisyativ la

Inisyativ la ke Konsèy la te prezante pou apwobasyon aplikasyon pou lisans sou kondisyon pou kiltivatè chanv yo ka kiltive kanabis pou itilizasyon adilt nan sezon prentan 2022 a, pòtay aplikasyon an fikse pou louvri 15 mas

Gouvènè Kathy Hochul today te anonse premye *Inisyativ pou Opòtinite Semans* nan peyi a, k ap mete moun ki gen enfraksyon penal ki gen rapò ak kanabis anvan yo nan pozisyon pou fè premye vant pou itilizasyon adilt pwodui ki plante pa kiltivatè New York. Inisyativ, soti nan jaden pou ale nan magazen an fè vant nan New York yo posib anvan fen 2022 a, k ap relanse sektè kanabis New York la, garanti sipò pou ekite alavni moun k ap aplike yo, epi sekirize premye envestisman nan kominate ki pi afekte pa aplikasyon entèdiksyon kanabis ki pa pwopòsyonèl la.

"Eta New York ap fè listwa, k ap lanse premye apwoch nan kalite sa pou sektè kanabis la ki fè yon gwo pa nan korije sa k pa bon nan tan pase a," **Gouvènè Hochul te deklare.** "Règlemantasyon Konsèy Kontwòl Kanabis la te avanse jodi a bay kiltivatè ak antreprenè lokal yo priyorite, k ap kreye travay ak opòtinite pou kominate yo te kite deyò ak sa yo te kite dèyè yo. Mwen fyè New York pral yon modèl nasyonal pou sektè ki gen sekirite, ki ekitab epi enklizif n ap koustui kounye a."

Konsèy Kontwòl Kanabis la nan rankont li a jodi a te avanse de eleman nan *Inisyativ Opòtinite Semans lan.*

Dabò, li te avanse règlemantasyon pou *Dispansè Vant an Detay pou Itilizasyon Adilt* yo pou kòmantè piblik. *Nan kad Inisyativ Opòtinite Semans* sa, se antreprenè kapital ki gen enfraksyon penal ki gen rapò ak kanabis anvan yo, ki gen yon antedesan tou nan

posesyon ak jesyon yon ti biznis, ki dwe posede souzansanm dispansè sa yo. Se yo k ap premye ouvri epi reyalize vant nan Eta New York, k ap etabli antrepriz pa aksyon nan ban devan mache pou izaj adilt nan New York la.

Dezyèman, Konsèy la te apwouve yon aplikasyon pou lisans pou kiltivatè chanv k ap chèche kiltive kanabis pou izaj adilt nan sezon prentan sa - ki rele *Lisans Kiltivatè pou Izaj Adilt sou Kondisyon*. Se lejislasyon Gouvènè Hochul [siven](#) mwa pase a ki te rann lisans lan posib. Konsèy la te deziyen 15 mas kòm dat ouvèti pou pòtay aplikasyon an.

Prezidan Konsèy pou Kontwòl Kanabis la Tremaine Wright te deklare, "Lwa sou Kanabis eta nou an fikse yon objektif ki wo pou kreye yon sektè ekitab k ap mete Nouyòkè yo an premye. *Inisyativ Opòtinite Semans* lan mete nou sou yon wout pou reyalize objektif sa epi ak lespwa pou fasone yon wout pou avanse nan reyalizasyon objektif sa yo pandan n ap konstui yon mache estab. Mwen rekonesan pou sipò Gouvènè Hochul ak Lejislati a, ki te rann li posib pou fè lejislati sa demare rapidman, etabli yon chèn apwovizyonman ki soti nan men kiltivatè nou yo pou ale bay aksyonè, detayan, epi jenere resous pou ede revitalize kominote ki te frape pa aplikasyon ki pa pwopòsyonèl entèdiksyon kanabis la."

Manm Konsèy Kontwòl Kanabis Jen Metzger te deklare, "*Inisyativ Opòtinite Semans* sa vreman separe pwogram New York la de lòt eta ki te legalize pou itilizasyon adilt la, lè li demake ak yon pwogram kapital - epi dirab k ap apwovizyonne antreprenè aksyon - ki posede dispansè yo ak pwodui kanabis ki pouse nan solèy, se yon bon kòmansman pou konstui yon nouvo endistri kote ti biznis yo ka pwosepre epi richès jenerasyonè ka kreye."

Manm Konsèy Kontwòl Kanabis Adam Perry, te deklare, "Lè nou fòme sektè kanabis New York la epi mete envestisè kapital sosyal yo nan ban devan se yon opòtinite istorik pou abòde mal entèdiksyon kanabis la te lakoz epi mete anplas objektiv Lwa Kanabis New York la. Se bon kòmansman pou sektè a epi mwen pa ka tann pou kontinye travay ak ekip nou an pou sipòte tout kalite lisans pou asire ke n ap bay lisans a antreprenè envestisè sosyal, men tou n ap etabli yo pou siksè alontèm."

Manm Konsèy Kontwòl Kanabis Jessica Garcia, te deklare, "Lè nou pozisyone antreprenè kapital ki enplike jistis yo kòm premye moun pou fè vant, sa mete New York sou bon pis pou reponn ak objektif Lwa sou Kanabis New York la pandan n ap bay pwoteksyon pou travayè nan sektè a lè nou kreye wout pou karyè nan sendika kanabis. Sa a se yon gwo, premye etap pou sektè kanabis n ap konstui nan New York la - se yon etap enpòtan e se sèlman kòmansman an."

Reuben McDaniel III, Manm Konsèy Kontwòl Kanabis Eta New York la, ak Direktè Jeneral ak PDG DASNY, deklare, "Travay nou se kreye nouvo sektè kanabis la nan New York pou li estriktire pou devlope antreprenè ki reyisi nan kominote nwa ak mawon atravè New York, devlope aksè nan kapital pou sila yo te refize yo, epi tabli yon sektè kanabis ki devan nan peyi a nan sante ak sekirite, ak nan kapital tou. Nou enpasyan

pou kontinye travay nou ak Lejislati nou an pou devlope mekanis finansman k ap sipòte envestisè kapital New York yo nan yon sektè pasyonan nan ekonomi nou an."

Direktè Egzekitif Biwo Jesyon Kanabis (Cannabis Management, OCM) la Chris Alexander te deklare, "Ak Inisyativ Opòtinite Semans lan, nou sou wout pou fè kounye a, sa okenn eta pa t fè anvan nou: Mete kiltivatè ak envestisè kapital nou yo, pa gwo biznis ki pa nan eta yo, nan ban devan lansman mache kanabis pou izaj adilt la. Gras ak sipò Gouvènè Hochul ak mezi Konsèy la te pran jodi a, nou te fè yon gwo avansman nan efò nou pou bay ti kiltivatè New York yo, envestisè kapital nou yo priorite, epi finalman objektif nou pou jenere resous k ap sipòte aplikan pou kapital alavni yo epi oryante envestisman yo nan kominote ki pi enpakte nou yo pa entèdiksyon kanabis la. Nou p ap sispann isit la epi travay la ankou deja sou tout kalite lisans pou ouvri aksè nan kapital epi devlope rezo sipò pou konstui yon Sektè Kanabis New York ki ekitab epi tabli ti biznis nou yo pou sikse alontèm."

Lidè Majorite nan Asanble a Crystal Peoples-Stokes te deklare, "Ak anons sa, n ap fè okenn lòt eta pa t fè, lè nou konsantre sou moun yo pi kriminalize pa entèdiksyon kanabis la, epi fè pwomosyon kiltivatè New York yo. Sektè kanabis la pral devlope ekonomi nou an epi kreye nouvo richès, epi li enperatif pou nou asire ke opòtinite sa yo kòmanse ak Nouyòkè ki pi merite yo. Mwen felisite Gouvènè Hochul, Konsèy Kontwòl Kanabis la, ak Biwo Jesyon Kanabis la dèské yo pran mezi sa yo pou aplike Lwa sou Règlemantasyon ak Taks sou Mariguana a (Marijuana Regulation and Taxation Act, MRTA) nan yon fason ki konsistan nan kad lejislasyon an."

Senatè Liz Krueger te deklare, "Inisyativ la ke Gouvènè a te anonse jodi a ap ede asire ke n ap reponn ak objektif egalite ak jistis MRTA a, epi ke kiltivatè New York ak ti biznis yo ap sèvi kòm fondman mache kanabis legal la. Yo te deziyen MRTA a pa sèlman pou mete fen nan lagè dwòg New York la, men espesyalman pou pran mezi pozisyon pou ede rekonstui kominote sa yo ki te touche pa entèdiksyon an. Lè nou ofri premye lisans pou komès detay bay moun yo te kondane pou krim ki gen rapò ak mariguana yo, se yon gwo etap nan bon direksyon an, epi k ap fikse mache sou yon wout kote kandida pou ekite sosyal yo ka fè konpetisyon avèk sikse."

Inisyativ Opòtinite Semans lan konpoze ak twa pwogram:

- Pwogram Prensipal Aksyonè**: Bay yon *Lisans pou Dispansè Vant an Detay pou Itilizasyon Adilt sou Kondisyon* pou kandida envestisè-antreprenè ki kalifye yo, ki mete yo nan ban devan mach itilizasyon pou adilt la. Premye etap la, ki se opòtinite pou lisans kapital la ap sipòte ak yon espas pou vant an detay ki renove oswa ki pare pou renovasyon ak sèvis ki lye yo ak sit dispansè nan zòn ki gen anpil trafik yo.

Aplikasyon pou lisans ki gen priorite sa yo ap louvri nan sezón ete 2022. Yo prevwa distribye premye lisans yo nan fen sezón ete oswa kòmansman otòn 2022. Sa mete dispansè ki pou antreprenè yo nan pozisyon pou fè premye vant

kanabis pou izaj adilt nan Eta New York nan fen 2022 a pandan l ap akselere livrezon envestisman nan kominate atravè eta a ki te pi afekte pa aplikasyon ki pa pwopòsyone entèdiksyon kanabis la.

Konsèy la te mande OCM jodi a pou pibliye pou kòmantè publik règlemantasyon pou *Lisans pou Dispansè Vant an Detay pou Izaj Adilt sou Kondisyon yo* pwopoze yo. Dapre règlemantasyon yo pwopoze yo, pou kalifye pou lisans inisyal sa, kandida yo dwe:

- Gen yon enfraksyon ki te fèt anvan adopsyon Lwa sou Reglemantasyon ak Taks sou Mariguana (MRTA) nan dat 31 mas 2021 an, oswa te gen yon paran, responsab, ptit, mari/madanm, oswa depandan ki gen yon enfraksyon pou kanabiz anvan-MRTA a nan Eta New York.
- Gen eksperyans pou posede epi dirije yon biznis ki kalifye pou fè biznis nan Eta New York.

Anplis, règlemantasyon yo genyen ladan yo enfòmasyon sou ki materyèl aplikasyon k ap nesesè pou aplike pou yon *Lisans pou Dispansè Vant an Detay pou Izaj Adilt sou Kondisyon* epi fikse paramèt sou kijan Biwo a ap verifye epi evalye aplikasyon yo. Yon ansanm règlemantasyon apre ap souliyen egzijans pou fè yon dispansè vant an detay fonksyone nan tout sekirite.

- **Pwogram Kiltivatè yo an Premye:** Bay yon *Lisans pou Kiltivatè pou Izaj Adilt sou Kondisyon* pou kiltivatè chanv kanabiyoyid yo, ki ba yo premye chans pou kiltive kanabis pou mache itilizasyon adilt New York la. Kiltivatè yo dwe respekte egzijans asirans kalite, sante, ak sekirite OCM devlope yo. Yo dwe fè pati pwogram mantora pou dirabilite ak ekite yo k ap ede premye jenerasyon pwopriyetè aksyon kanabis yo nan tout chèn apwovizyonman an. Lisans sou kondisyon sa yo rann li posib pou agrikiltè yo kiltive kanabis nan sezon rekòt 2022 a.

Konsèy la te apwouve jodi a aplikasyon pou *Lisans Kiltivatè pou Izaj Adilt* sou Kondisyon an epi fikse ouvèti pòtay aplikasyon an pou 15 mas. Se lejislasyon Gouvènè Hochul siyen resaman nan dat 22 fevriye a ki te rann lisans lan posib. W ap jwenn plis enfòmasyon sou egzijans kalifikasyon yo ak ki sa lisans lan otorize [sit la](#).

- **Pwogram Envestisman nan Kanabis pou Ekite Sosyal New York la:** Gouvènè Hochul te pwopoze pwogram 200 milyon dola sa nan Bidjè Egzekitif Ane Fiskal 2023 li a, premye nan peyi a ki rann finansman disponib pou antreprenè yo ki nan ban devan mache kanabiz pou izaj adilt la. Atravè pwogram lan, frè pou lisans nan sektè a ak kapital prive ta sipòte developman dispansè ki pou antreprenè yo ak yon Lisans pou *Dispansè Vant an Detay pou Izaj Adilt* sou

Kondisyon an. Dapre pwopozisyon an, Otorite Dòtwa Eta New York la (Dormitory Authority of the State of New York, DASNY) ta bay sipò ak sèvis lokasyon ak konstriksyon li yo nan sit dispansè yo nan kote prensipal yo epi renove yo pou reponn ak egzijans sante ak sekirite yo. Finansman ak sèvis akonpayman Pwogram Envestisman nan Kanabis pou Ekite Sosyal la ta diminye baryè pou antre epi pozisyone antreprenè sa yo pou sikè alontèm. Pwopozisyon an rete nan diskisyon nan Lejislati a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)